



Hmong cultural center.
995-university.st Paul,M N.55104
651- 917-9937. suite. 214

**Hmoob lub neej nyob yaj
Ces teb tsim meej(Los tsuas)
Txij li tiام 18 mus txog tiام 20
(Hmong life live in laos from
the 18 century to 20 century.)**

**=Tus tshawb fawb tsim tawm tau
phau ntawv hais txog neej hmoob
Yog yawg: major.Tougeu leepalao**



LEE JOUGEN

Major. Tougeu leepalao.

687 charles ave,st Paul,M.N 55104. H.

995 universty ave, stpaul,MN55104. w.

= **Education:** 1950 Lao grade school certificate phone-savanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= Experience:

- 1964 Commander in chief. Ban Na Laos. Acted as a coordinator for Zone. 2 A. site 15.
- 1966 commander in chief saneune laos acted as a coordinator to manage Zone . 12 B. site 184.
- 1967 chief of training moung cha Laos. responsible for training guerrilla unit and.B.O.C.troops at site 113 training camp.
- 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and.MTT. troops at Long cheng training camp center.
- 1971-75 Commander in chief at Samthong Laos. managed and Director the .B.O.C. for site 20.
- 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.

Neej hmoob nyob los tsuas teb (laos)

haiv neeg hmoob ntaus kev tawm yaj ces tuam meem teb (tuam tshoj china) nkag los nyob teb chaws nplog qeeb dua mus nyob nyab laj teb(Vietnam) xws li sij hawm xyoo 1810 – 1820 ntau leej neeg tseem ceeb ntseeg tias: haiv neeg hmoob yuav nyob nyab laj teb tsis ntev, haiv neeg hmoob thiab haiv neeg co, ua neej sib hhub,sib pab. Lawv ua ke nkag los rau teb chaws nplog sab pem toj thoob plaws txhia chaw,lawv maj mam nqis mus txog lub xeev paj xas yav nruab nrab teb chaws nplog,haiv neeg hmoob xav nyob raws tej laj rooj siab uas muaj huab cua zoo thiab nyob ywj siab. Li ntawd thiaj tau txais kes kub ntxhov xws li: sib ntaus,sib tua ua ntu zus nrog lwm pawg neeg meme. Nyob hauv tiam 19 (19th century) haiv hmoob tau nrog haiv haiv pub thawj thiab mab qus sib ntaus,sib tua ib nplua nyob teb chaws suav, qhov kawg haiv hmoob tau muaj yeej zoo. Thaum haiv hmoob tau nkag los nyob teb chaws nplog lawm, nom tswv fab kis tau tso cai rau nom tswv nplog saib xyuas haiv hmoob ,tab sis nom tswv nplog tsis ua raws li txoj cai uas nom fab kis tau teem tseg. Haiv neeg hmoob tau txais kev kub ntxhov,quab

nais mam sau tuaj rau fab kis xwb mas hmoob tseem
zoo siab ua fab kis qhev thiab pab fab kis, vim
hmoob yog ib haiv neeg tsis nyiam luag quab yuam.

= thaum tus txiv plig hais li no tas ces fab kis thiaj
tsis ntes hmoob mus tua lawm, fab kis thiaj paub
hmoob meej tseeb, dhau qhov ntawd los fab kis thiaj
muab nom tswv theem qis rau hmoob ua kav hmoob
xws li " tuam xeem " txij li ntawd los txog xyoo 1945
hmoob muaj txog 17 tus tuam xeem. Txawm hais tias
tau li no los haiv hmoob yeej tsis koom siab li, haiv
hmoob tau tawg ua ob pab xws li kuv yuav piav no:

= thaum haiv hmoob tau nkag los nyob teb chaws
nplog mas muaj peb xeem hmoob tau tawm npe ua
ntej dua lwm xeem xws li: xeem lauj, xeem lis, xeem
muas, peb xeem ntawd muaj ib tug npe hu ua npliaj
yob lauj, nws tau txais ib lub npe nom hu ua: kiab
toom, yog fab kis muab rau nws, lub laj sim kob no
yawg kiab toom muaj hwj chim loj kawg npaum li ib
tug cob moos ntag. Tau ib ntus tsis ntev hwj chim
xeem hmoob muas tau poob qis zog lawm, lub sij
hawm ntawd muaj ib yawg hmoob lis lub npe hu ua
nraj pos, nws tau tsiv tawm yaj ces tuam meem teb
(yog tuam tshoj china) los rau yaj ces teb tsim meej
uas yog (in docine) nkag los rau nplog teb yog xyoo
1895 nws tau tsiv mus nyob rau lub zos: Looj hej
tom qab no nws muaj ib leeg tub hu ua: Lis foom,
yog Tub npis txiv. Txij li ntawd los yawg lis foom

yuam ntau yam xws li; sau se, plaub ntug thiab
lwm yam sib xyaws ntxaws los quab yuam.

-txog xyoo 1896 haiv hmoob tiv tsis taus nplog txoj
kev quab yuam, thiaj li muaj kev sib ntaus uas yog
zaum ib nyob lub xeev xieng khouang laos, txawm
muaj li ntawd los txoj kev quab yuam yeej tsis tso
tseg, txog xyoo 1919- 1921 tau tshwm sim ib phaum
rog hmoob yog zaum ob nrog fab kis thiab nplog sib
tua (hmoob hu ua rog niam txiv) uas muaj yawg paj
cai vwj ua tus thawj tswj. Phaum rog no xub xub pib
sawv nyob rau moos theeb nws tau kis los rau teb
chaws nplog , phaum rog no nom nplog tau hais rau
fab kis tias: yog hmoob vwm. Thaum ntawd fab fis
kuj ntes tsoom hmoob coj mus khi ua daj ris, ces xuas
riam txiav caj dab xwb, lub laj sim kob kub ntxhov li
no thiaj muaj ib tug txiv plig hu ua. Yawg Xas vis nas
(savina) nws nyob nyab laj teb nws yog fab kis nws
thiaj nce tuaj txog xieng khouang laos , nws thiaj tuaj
hais rau tus nom loj fab kis hais tias: hmoob tsis vwm
qhov hmoob tua fab kis no, yog hmoob raug Kev quab-
yuav ntau dhau lawm xwb, yog fab kis muab hmoob
tua pov tseg li mas hmoob tuag dawb tsis muaj nuj nqis
dab tsi rau fab kis, qhov zoo tshaj mas kom fab kis
muab hmoob tsa ua nom kav hmoob es yog fab kis
xav yuav dab tsi, mam hais rau hmoob tus nais es tus

toom tau tuag lawm, t xoov tub ntshai tsis muaj neeg
 pab thiaj ua ib siab thim tawm tsis ua tuam xeem
 lawm. Lub laj sim kob no ua rau yawg lis foom txaus
 siab heev kawg, yawg thiaj li nkag kiag mus khaws
 nkaus tus tuam xeem looj hej los ua, thaum uas tus
 toj xeem tau poob kiag rau yawg lis foom tes lawm
 mas ua rau yawg faiv ntaj uas yog lauj kiab toom tus
 tub chim siab heev tsis pom qab yuav ua zaj twg thiaj
 yuav tau tus tuam xeem rov los, tsis ntev yawg faiv
 ntaj thiaj nqa ib tug kub twj kum nqis mus vees cam
 (Vientiane) coj mus hawm yawg huab tais cob phev
 xaj laj thov kom yawg muab tus tuam xeem rau yawg
 faiv ntaj, tab sis kuj tsis tau txais txiaj ntsim dab tsi.

= tau tsis ntev yawg lis foom kuj tau tuag lawm, lub
 sij hawm ntawd tsoom pej xeem thiaj pom zoo hu
 yawg tub npis uas yog yawg lis foom tus tub kom los
 txais tus tuam xeem no, yawg tub npis tseem hluas
 tab sis nws muaj hwj chim rau fab ua nom,ua tswv
 zoo,nws yog thawj tus hmoob uas kawm ntawv tiav
 qib siab (diplome) thiab xeem tau daim ntawv pov
 thawj (B.E P) nyob tuam ceeb vees cam los tsuas
 teb,dhau qhov ntawd nws tseem kawm tau fab kev
 cai tswj hwm plaub ntug nrog rau fab tswj hwm pej
 xeem tib si, yawg tub npis muaj meej mom,hwj chim
 fab nom tswv tshaj tas nrho tsoom hmoob. Li no
 thiaj ua rau yawg faiv ntaj tsis muaj kev nrog tub npis
 sib twv ua tus tuam xeem ntawd. Txawm li cas los
 yawg faiv ntaj txoj hmoov tseem zoo, tau tsis ntevlub

tau ua tej yam uas tsis muaj neeg paub, lis foom
 kawm lus: suav,nyaj laj, fab kis tau sai kawg, nws
 nyiam ua nom,ua tswv tshaj plaws. Lis foom yuav
 lauj kiab toom tus ntxhais xyoo 1918 tom qab no lauj
 kiab toom thiaj txais lis foom nrog nws ua laj kam.

= yawg tub npis yug thaum lub 5 hlis 1919 tau tsis
 ntev lis foom poj niam uas yog lauj kiab toom tus
 ntxhais tau noj yeeb tuag lawm, ua rau lauj kiab toom
 chim siab heev, nws thiaj muab lis foom tshem tawm
 tsis pub nrog yawg ua kam ua ke lawm, tsis tas li
 yawg tseem txiav kev neej, kev tsav ntawm pawg
 hmoob lis du lug, txij li ntawd los ces thiaj ua rau ob
 xeem hmoob no muaj teeb meem ntshwm tuaj zuj zus.
 = qhov uas yawg lauj kiab toom muaj hwj chim no
 mas yog los ntawm yawg tsis koom tes nrog pawg
 rog hmoob paj cai xyoo 1919-1921 ntawd yog li mas
 fab kis thiaj tso cai rau lauj kiab toom kav tas nrho
 tsoom hmoob nyob nroog moos qhas xieng khouang.
 = thaum zoo li no, fab kis kuj pom tias: ob xeem
 hmoob no tsis sib haum lawm, fab kis thiaj muab lub
 nroog Looj hej faib ua ob tug tuam xeem xws li:
 = muab yawg t xoov tub lauj uas yog lauj kiab toom
 tus tub hlob tsa ua tuam xeem looj hej, muab yawg
 tsav txhiaj lis tsa ua tuam xeem phav npoom.

= yawg t xoov tub nyiam tua nqaij dhau, nws tsis
 muab siab rau txoj kam sau se, fab fis tsis nyiam
 yawg t xoov tub. Txog xyoo 1935 yawg lauj kiab

Ntiaj teb tig los txog xyoo 1945 cov zij pee(janpan) Swb rog ntiaj teb zaum ob, yawg tub npis tseem tuav txoj num khov kho nrog fab kis ua txij tog txij pes nyob lub nroog Moos qhas xeev xieng khouang hos yawg faiv ntaj ces cia li tig hlo mus nrog tog nplog liab ua ib pawg lawm. Lub laj sim kob no ob tog nplog tau kev tws tas, huab tais nplog thiab nqua hu ob tog nplog kom tig ntsej,tig muag rov los sib koom siab txhim kho lub teb chaws nplog kom muaj vaj huam sib luag. Xyoo 1947 tseem hwy huab tais nplog thiab tsa tau tsab cai yog¹lub 5 hlis tim 11 1947 (5 / 11 / 1947) lees paub tias cov neeg toj siab uas yog hmoob muaj vaj tsev nyob thooj av los tsuas uas muaj npe hu ua: miab (meo) no cia li yog neeg nplog txij hnub no mus lawm thiab lub npe hu ua miab no tsis pub hu lawm, yuav tsum hu ua: los xoom (laosoung) haiv neeg hmoob no yog tus twg Txawj ntse muaj cai ua nom tswv qib siab ib yam li tus neeg nplog. Thaum ntawd yawg tub liab lis foom thiab raug xaiv ua thawj pej xeem (senator) uas yog thawj tus hmoob tau mus zaum rooj tswj hwm fab thawj pej xeem yog zaum ib. txawm tau li no los yeej tsis tas,vim nplog tus nywj dub npog doog tseem niaj hnub los yuj suav daws siab tas li.
= xyoo 1947 yawg xum phas nuj voos rov ntxeev siab dua, nws tau ntxias yawg faiv ntaj lauj thiab yawg xim thoos koos mas das nkawd kom nrog nws

Es yuav muab nom loj rau nkawd xws li : yog pej xeem hmoob ces muab cob tas nrho rau yawg faiv ntaj ua tus muaj cai tswj hwm. Hos yog pej xeem pub thawj ces cob tas nrho rau yawg xim thoos koos Mas das ua tus tswj hwm. Thaum no ces faiv ntaj nkawd cia li tig hlo mus nrho yawg xum phas nuj voos ua ib nqag lawm. Lub January 16 . 1949 mus Txog lub. November, 1950 yawg xum phas nuj voos Tau tsa ib pawg nplog tseeb tsim hu ua: phav nias los Hav xaj, tom qab no hu ua : pam thej los, pawg nplog no yog yawg xum phas nuj voos ua tus thawj tswj hwm. Xyoo 1951 yawg xum phas nuj voos tau cog lus nrog peb pawg tseeb tsim koos sam (communist) Xws li : nyab laj (vietnam) qhab meem (Cambodia) thiab nplog (laotian) lawv cov, no sib koom siab ua koos sam (communist) sib pab tawm tsam nplog.
= txij li ntawd los ces nyab laj thiab tau kev nkag tuaj rau teb chaws nplog tsis tu ncua. Txog xyoo 1952 nyob yav qab teb: xaj vam naj khem (savannakhet) theem roob siab (boloven) yog ib lub tshav tub rog hav zoo (special guerrilla) uas yog yawg xim thoos koos mas das ua thawj tswj hwm, hos nyob sab qaum teb xas niam (Samnuea) xeev kham (xiengkhouang) yog yawg faiv ntaj lauj ua tus thawj tswj hwm, nkawd cov tub rog : muaj 3.500 mus rau 8.000 leej,feem coob yog haiv neeg toj siab (hmoob) hos tub rog nyab laj muaj 30.000 leej. Txog xyoo 1954

fab kis tau swb rog nyob sab teb chaws yaj ces teb
 tsim meej (indochine) fab kis thiaj lees tsis ua rog
 ntxiv lawm, lub laj sim kob no amelivkas(American)
 cia li nkag kiag tuaj hloov fab kis chaw thiab tshaj
 tawm hais tias nws yog : pawg neeg siab dawb pab
 cuam muaj npe hu ua: (us aid) tuaj pab txhim kho
 lub teb chaws yaj ces teb tsim meej(indochine) uas
 muaj : nyab laj, nplog, qhab meem. Thaum tus tseeb
 tsim hloov li no thiaj ua rau tog koos sam(communist
 tsis txaus siab, ces tus teeb meem kub ntxhov zuj zus
 tawm tshwm sim tuaj ntxiv.

= txog lub January 1961 yawg tuam thawj American
 (president kennedy) tau txiav txim siab xa cov tub
 nkawg xaiv (C.I.A.) tseem ceeb tawm tuaj rau yaj
 ces teb tsim meej (indochine) cov neeg (C.I.A.) no
 muaj peev xwm qhia tau kev cai ua rog hav zoov
 (guerrilla) nrog cov koos sam (communist) sib ntaws
 sib tua, feem coob yog qhia cov pej xeem toj siab uas
 yog (hmoob) vim hmoob yog cov paub toj roob hauv
 pes zoo tshaj, tsis tas li cov tub nkawg xaiv(C.I.A.)
 tseem ntshai tias: nyob tsam cov tub rog hav zoov
 lam muab tej cuab yeej ua rog coj mus muag rau tog
 koos sam(communist) los sis coj mus muag nyob
 kiab khw dub, tus tuam thawj tub rog (C.I.A.) tau tso
 cai rau ib tug hmoob hu ua : Vaj pov ua tus thawj
 tswj hwm cov tub rog hav zoov, vim yawg vaj pov
 yog ib tug thawj tub rog uas tau nrog tog koos sam
 sib tawm tsam feem muaj ceem kawg los lawm (yav
 tom ntej no nws muaj koob meej loj heev) yawg vaj

Yawg vaj pov yug nyob lub zos looj hej xeev xieng
 khouang, thaum yawg vaj pov ua tub rog fab kis
 yawg tau nrog cov nyab laj liab thiab Zij pee (Japan)
 Sib tawm tsam ntawt zaus los lawm thiab xyoo 1954
 yawg vaj pov tau txais ib tsab ntawv pov thawj kawm
 tiav qib thawj tub rog feem pua nyob vees cas,lub caij
 ntawd nws tau qib (lieutenant) xyoo 1954 no yawg
 vaj pov tau mus sib tua nyob ze dias npias sum
 (dienbenphou) uas yog ciamb teb nplog thiab nyab laj
 thaum fab kis tau swb rog nyob dienbenphou ntawd
 yawg vaj pov coj tau 300 tus tub rog hmoob thiab 76
 tus tub rog fab kis khaiv tawm los tau, hos lwm cov
 thawj tub rog nplog thiab nyab laj ces muab cov fab
 kis tua pov tseg tas lawm, yog li no cov (C.I.A.) thiaj
 Tsis ntseeg cov nom tswv nplog siab.

= xyoo : August 9 /60 yawg captain kong le tau
 sawv xov khawm nyob vees cas,muab lub teb chaws
 los tsuas ntseev ua nruab nrab,coj mus zwm rau tog
 koos sam,ntiab kom cov American (us aid) tawm
 teb chaws nplog mus tsis pub nyob lawm.

= xyoo: august 18/60 general phus mis naum xaj
 vam thiab cob npoos oob sawv xov khawm nyob xam
 vam naj khem raws koos les tawm hauv vees cas.

=xyoo: September 8/60 colonel qhas hub sawv xov
 khawm muab lub xiengkhouang ntseev mus zwm rau
 koos les nyob vees cas.

= xyoo: October, 9/60 muaj: lieutenant colonel vang pao tus tuam thawj tub rog, TouBy ly foungh thiab cob xais qhas ua tus.pom zoo, yawg nais koos lis xyooj pov (mayor lee xiong pao) ua tus nqua hu coj pej xeem tau 195 leeg tuaj cob rau yawg vaj pov sib koom tes sawv xov khawm (revolution) muab lubtiaj rhawv zeb (plainedesjare) xeev xiengkhouang ntceev coj mus zwm rau huab tais nplog tog ywj pheej (freedom) lub laj sim kob no cov nom tswv loj uas yog nplog tau khiav tawm nqis mus rau xaj vam nas khem thiab vees cas tas lawm, tshuav yawg vaj pov ib tug coj tsoom hmoob nyob nres nroos tiaj rhawv zeb tos nrog cov tub rog nruab nrab thiab nyab laj sib ntaus, sib tua xwb. Lub sij hawm zoo li no huab tais nplog thiaj tsa yawg vaj pov ua tus tuam thawj tswj kav tub rog nqi ob (2) nyob xeev kham (plaine des jare) thiab xeev xas niam.

= xyoo: December 31/60 cov tub rog nruab nrab uas yog yawg koos les ua thawj tswj nrog rau tub rog nplog liab thiab nyab laj liab koos sam ntau pawg txhiab tau ntaus zawj qees nkag tuaj rau lub nroog tiaj rhawv zeb (plaine des jare) ua rau tsoom tub rog pej xeem hmoob tiv tsis taus thiaj thim tawm mus nyob toj roob hauv pes ua rog tub sab sib ntaus sib tua heev ua rau tog koos sam nyuab siab kawg nkaus. = thaum no yawg general vang pao tau teeb ob qhov chaw loj xws li : looj ceeb thiab xas thoos, looj ceeb yog qhov chaw txais tos neeg ua tub rog, xas thoos

yog qhov chaw txais tos pej xeem huab hwni, lub tsam thawj no kuj muaj cov American (usaid) cev tes tuaj pab fab mov noj,tshuaj kho mob, tsis tas li kuj muaj cov American (C.I.A.) tuaj pab fab cuab yeej ua rog , lub caij zoo li no tog tub rog nruab nrab thiab tub rog nplog liab, nyab laj liab kuj tau txais kev piam sij loj los ntawm tsoom tub rog hmoob mus nyas tua thiab qhia dav hlau tuaj pov foob pob rau.

= txawm hais tias yawg vaj pov yuav tiv thaiv tau zoo li no los yawg xum vas naj phoos mas thiab cov nom tswv tub rog loj nyob vees cas yeej tsis txaus siab rau yawg vaj pov li, raws li cov nom tswv nplog lub siab mas xav cia yawg vaj pov ua tus thawj coj tub rog mus sib ntaus, sib tua xwb,hos fab ntaub ntawv,nyiaj txiag,riam phom mas cia lawv ua tus tuav tas nrho, yog li ntawd mas American ho tsis kam vim luag tsis ntseeg nplog siab, lub caij no tseem hwv xum vas naj phoos mas haj tseem txwv txiav tsis pub yawg vaj pov mus tua ntaus tog nplog liab ntxiv thiab,

= Tus hauj lwm zoo li no yawg vaj pov thiaj muab tsoom tub rog hmoob thiab pub thawj nkag ncaj qha mus rau Lub:haw tub rog loj (C.I.A.) uas yog tub rog hav zoov (special guerrilla) nyob thaib teb, qhov ua li no vim American tsis muaj cai teeb tshav rog rau teb chaws nplog. Yawg vaj pov kuj tau txais kev pab cuam los ntawm cov American (usaid) zoo li mov noj, tshuaj kho mob nkeeg thiab lwm yam, raws txoj cai mas cov usaid luag tsuas pab neeg thoj nam tawg

rog xwb. Lub koom haum air American kuj tau xa hom dav hlau me kwv yees li 200 lub mus ua hauj lwm rau haiv neeg hmoob uas yog yawg generaj vang pao ua tus thawj tswj hwm nyob looj ceeb,xas thoos tsis tas haj tseem pab fab nyiaj txiag rau tsoom tub rog speciaj guerrilla unit(S.G.U.) ib tug tub rog tau txais nyiaj hli kwv yees li \$ 50.00 dollar los sis 1,000 npaj nyiaj thaib. Yawg vaj pov tau txais kev pab fab qhia tub rog hav zoov ntawm cov C.I.A. ib pab twg muaj 40- 50 leej xwb, cov no thaum kawm tiav lawm yuav raug xa mus nqis rau hauv ciam teb nplog liab thiab nyab laj liab . txoj hauj lwm no tau pib xyoo 1962 xam pom tias tau txais hauj lwm zoo kawg, tau tsis ntev yawg vaj pov muaj peev xwm tuav tau lub teb chaws nplog sab pem toj yuav luag tas. Yawg vaj pov tau tsim tshav dav hlau 200 qhov chaw, thiab ib lub yeeb yaj tsom nyob rau tsua pham thiv xeev xas niam, nws xav ua kom cov neeg toj siab txhob poob rau nplog liab thiab nyab laj liab tes, mas txhua txhua zaus yog ntaus tau lub zos twg lawm yuav tsum tshem cov pej xeem tawm mus nyob lwm qhov chaw thaj yeeb xwb thiab txais kev pab cuam los ntawm cov (u.s.aid). Cov neeg thoj nam xyoo 1964 kwv yees muaj 150.000 leej. Xyoo 1969 kwv yees muaj 800.000 leej.

= txawm tias yawg vaj pov ua tau zoo li no los tseem hwv nplog uas yog yawg xum vas naj phoos mas yeej tsis txaus siab rau yawg vaj pov li, qhov tsis txaus siab no mas yog los ntawm yawg vaj pov tiv thaiv tua

Cov nplog liab swb ntau qhov chaw, lub caij ntawd yawg xum vas naj phus mas tau txwv tsis pub yawg vaj pov ntaus tog nplog liab ntxiv lawm. Thaum no tog nyab laj liab thiab nplog liab pom tias zoo sij hawm yog xyoo 1968 tog nyab laj thiab nplog liab rov ntaus zawj qees tuaj txeeb tau ntau qhov chaw lawm, yawg xum vas nas tsis hais dab tsi li. Txog xyoo 1973 ob tog nyob sib nres nroos tsis txawv li 11 xyoos dhau los ntag. Txoj hauj lwm yuav tau txais kev thaj yeeb li tau hais los no, haiv neeg hmoob, yuav tau nqis peev ntau hauj sim xws li fab tub rog hmoob muaj 30.000 - 40.000 leej. Txij li xyoo 1967 - 1971 tub rog hmoob tau raug ploj tuag muaj : 3.772 leeg, raug mob 5.426 leej raws li tus phaj xam tau meej tseeb. Lub laj sim kob no yawg vaj pov cov tub rog nyob qhov chaw kawg zog lawm, viim tias cov tub rog hmoob uas sau tuaj ntxiv mas 70% muaj hnub nyug 10 - 16 xyoo xwb, li ntawd los tog koos sam kuj tau txais kev puas ntsoog ntaus heev, tus tseeb tsim zoo li no haiv neeg hmoob kuj tau txais fab kev nom tswv qeb siab xws li : xyoo 1973 yawg tub npis lis foom (TouBy lyfoung) tau zaum kwv tsav fab xa xov , saib xyuas kev ruaj ntseg,pab daws teeb meem txhua yam thiab sab laj ntawm huab tais xub ntiag. Hos yawg tub ntxawg lis foom(Tougeu lyfoung) tau zaum rooj ua tus thawj saib fab plaub ntug hmoob muaj thawj pej xeem 3 tug los ntawm 34 tug haiv hmoob kwv yees li 10% los ntawm pcj xeem

Nplog,hmoob muaj 5 tug cob moos(mayor) 30 tus tuam xeem,dua li tseem muaj nais koos,phub toom nais npab coob kawg. Nyob lub xeev xiengkhouang hmoob muaj txog 50% xam thaum teb chaws ruaj ntseg, li ntawd hmoob tseem muaj cov tub kawm ntawv qib siab. B.A. 34 leeg, 24 leeg kawm nyob fab kis teb, tsoom pej xeem nplog thiab hmoob kuj zoo ib yam li cov tub rog,hais tau tias nyob sib tsuam nrees tsis kaj siab li, vim cov nom nplog poob siab tias tsam hmoob muaj hwj chim loj ces nplog poob ntsej muag, qhov uas tsa yawg Tougeu lyfoung ua tus thawj saib fab plaub ntug ntawd,tseem raug neeg nplog liam tias miab (meo) tsis muaj teb chaws, neeg nplog hais yuam txoj cai uas huab tais nplog tau teem tseg lub 5 hlis tim 11, 1947 (5/11/ 1947)

= raws li xav mas American dhuav phaum rog no dhau, vim ua tsis paub tag li American thiaj yeb vas rau yawg xum vas naj phus mas kom nrhiav kev nrog tog nplog liab sib sab laj daws tus teeb meem hauv teb chaws nplog. Li no thiaj muaj sib hais hnub tim 14 lub ob hlis xyoo 1973 (2/14/ 1973) hais kom nplog thiab nplog sib haum xeeb. Thaum no yawg xum vas nas thiab xum phas nuj voos nkawd 2 kwv tij tau sij hawm zoo los zaum ua ke sib tham ntsej muag luag ntxhi lawm, ces American tau sij hawm zoo ces American cia li nkaum zog tsis kam pab neeg thoj nam tawg rog lawm. Txog xyoo 1975 – 76 cov (C.I.A.) tau thim rov qab tag nrho, yawg general vang pao tsis pom qab muab zog thiaj tau kхиav tawm

Teb chaws nplog hnub tim 14 lub 5 hlis xyoo 1975 (5 / 14 / 75) mus rau thaib teb (Thailand) thiab coj cov txheeb ze yawg vaj pov kwv yees 2.500 leej nrog yawg mus xwb, dua li ces tso tseg rau teb chaws nplog. Thaum no ces nyab laj thiab nplog liab cia li ib teg zuaj kiag lub teb chaws nplog thoob plaws pem toj nram hav ua kiag nplog liab tug lawm. Cov hmoob ces mam kхиav ua pab,ua pawg lug toj,lug pes mus rau thaib teb, cov hmoob raug nplog liab tuaploj tuag rau hav zoov,hav tsuag lawm ntaw txhiab leej thiaj mus tshwm thaib teb. Ua ntej yuav tsum nkag rau lub yeej thoj nam noom qhais thiab yeej naj phoos,thiaj mam dhau taus lawm tom ntej tau, nyob lub yeej noom qhais,thaum ntej neeg thaib kuj txais neeg nplog zoo,tab sis neeg thoj nam kхиav nkag coob lawm ces neeg thaib kuj hloov siab tsis pab lawm. Hos pawg hmoob kхиav nkag rau lub yeej naj mas tau txais kev pab zoo dua, vim muaj pawg neeg sab hnub poob coj kev cai yes xus tuaj pab xwb. Lub sij hawm nawd tseem hwv thaib tab tom poob siab loj tsis paub yuav ua zaj twg. Qhov kawg hnub tim 30 lub 1 hlis 1976 (1/30/76) ib pab nom thaib tau mus ntsib cov nom ntiaj teb nyob koos thej thaib teb cov nom (xam hav pam xas xaj) taus lees hais tias luag yuav pab tag nrho,tsis hais tus hlob,tus yau,tsuav yog neeg thoj nam tawg rog xwb ces yuav tau txais kev pab ib yam nkaus. Suav txij li xyoo 1976 mus rau xyoo 1976 muaj neeg thoj nam tawg rog nyob thaib teb 113.000 leej, 60.000 leej yog hmoob txij li ntawd los thiaj mam li nrhiav lub teb chaws thij 3

Kom pab txais neeg thoj nam tawg rog mus tsim lub neej tshiab nyob lwm teb chaws.

= American txais thawj pab yog. General vang pao nrog cov tub rog thiab cov ua hauj lwm rau (u.s.aid) nrog lawv poj tub se kwv yees li 2.000 leej xwb, dhau li ntawd American kuj qhib kev txais neeg thoj nam tsis tu ncua. Txog lub 6 hli 1976 tsoom teb chaws ywj pheej xws li: fab kis, kas nas das, Australia kuj tau cev tes tuaj txais ib hlis twg 100 leej neeg thoj nam mus lawv teb chaws, txawm hais tias txais li ntawd los luag tsuas txais tus txawj ntawv xwb tshuav cov pej xeem tseem tsis muaj txoj kev taug. Xyoo tom ntej teb chaws suav liab (tuam tshoj teb) kuj cev tes tuaj txais ib pab mus lawm thiab.

=cov hmoob uas muaj yawg faiv ntaj ua tus thawj ib txwm nrog nplog liab nyob tau txais koob meej zoo uas yog nplog liab thiab nyab laj liab tau tsa ua nom hnub tim 2 lub 12 hlis xyoo 1975 (12/ 2 / 75 nyob vees cas(Vientiane Laos) muaj yawg faiv ntaj lauj thiab yawg xim thoos mas das nkawd tau txais lub rooj zaum theem 2 ntawm tseem hwv nplog liab hos lwm tus mas tab tom sib kho ntxhov quav niab.

=yawg Tub npis lis foom (S.E.TouBy lyfoung) raug nplog liab ntes coj mus kaw nyob yeej kaw neeg moos vias xais, xas niam, yawg mus tau ib xyoos ces hnov moo tias tuag tshaib, lawm. Tsis tas li tseem tshuav ib feem hmoob coob tsis xav khiav lawv ua ib siab nrog tseem hwv nplog liab nyob, pawg hmoob

no lawv hais tias yus yog pej xeem xwb nyaj tseem hwv nplog liab yuav tsis tua, luag yuav hlub xwb, vim tias twb muaj yawg faiv ntaj yog hmoob ua tus lwm thawj ntawm tseem hwv lawm ces yuav zoo ib yam li tub npis thiab vaj pov nyob thiab. Tab sis nws tsis zoo li suav daws lub siab xav. Yawg kais xuam phoos vis ham thawj kwm tsav tau laj fab tswv yim hais tias: pawg hmoob no yog vaj pov thiab. C.I.A. tso tseg cia ua cov neeg nrhiav xov xwm xa rau vaj pov thiab .C.I.A. xwb yawg kais xuam thiaj xa tub rog nyab laj thiab nplog liab mus puav ntes tsoom hmoob nyob ib cheeb tsam looj ceeb xas thoos,phav kheb, nas xus, moos cab,moos om, moos oo, pam phais, roob yiag,moos pheeb, phhwv los phauj,pham lais, thaum ntes tau muab hmoob tua pov tseg tas cov uas ua ib siab tawm los thawj, nplog liab muab cov qub nom tswv thiab thaib ham coj mus tua pov tseg tas ib yam nkaus. Nyob sab pem toj vees cas tus tseeb tsim zoo li ntawd lawm tshuav ib pawg hmoob lawv tau ntshai Heev tsis pom qab yuav ua zaj twg ? thiaj dim txoj sia, pawg hmoob no thiaj txiav txim siab nrog nplog liab sib tua ua ntu zus los, pawg neeg no nplog liab hu ua " cob fab " hais tau tias teb chaws nplog tseem tsis. tiaj tus, vim tseem hwv nplog liab txoj cai tsis ncaj ncees rau pej xeem haiv neeg me hais txog pawg hmoob no kuj txheeb ze yawg faiv ntaj kawg nkaus,tab sis yawg faiv kuj hais tsis taus ib los lus tawm, tus kam zoo li no thiaj ua rau yawg faiv ntaj mob hlwb heev qhov kawg yawg kuj tau tas sim neej lawm vim txoj kev nyuab yawg siab heev dhau

Tseem tshuav cov hmoob uas ib txwm koomtes nroos tuaj nplog liab tog nrog yawg faiv ntaj ua los tau 40 tawm xyoo lawd, tam sim no lawv pom thiab paub tseeb tias: nplog liab txoj cai uas tau sib cog lus los tau li 40 xyoo lawd yog cai dag xwb tsis tseeb kiag tsoom hmoob feem coob uas nrog nplog liab ua ib nqag los ntev lawd tau tawm mus ua noj,ua haus nyob toj roob hauv pes feem txom nyem kawg, dhau li ntawd muaj tus puav kuj tau khiav tawm teb chaws Nplog mus nyob rau teb chaws ywj pheej (America) Muaj cov tub ntxawg,tub ntse uas kawm tau qib siab Xws li (Doctors) uas ib txwm nrog nplog liab nyob los tau 40 xyoo lawm zoo li : yawg Doctor seng keo senephachy (xiam kiab xiam phaj civ) tau khiav tawm teb chaws nplog mus rau suav liab teb chaws yog xyoo 1985 yawg tau mus hais tawm tias: nplog liab txoj cai uas yog yawg kais xuam tau muab siv rau cov neeg hmoob nyob toj siab mas yog ib txoj cai Uas tua neeg txoj sia feem tsis khuv xim kiag, yawg tau xa tub rog nrog dav hlau mus tua thiab tso tshuaj rau tsoom hmoob nyob suam roob phwv npriab ua rau tsoom neeg hmoob ploj tuag lawm coob kawg nkaus yawg tseem hais ntxiv tias: tam sim no nyob teb chaws nplog puas tsav yam yog nyab laj ua tus thawj tag nrho, nplog tsis muaj cai dab tsi li, yawg doctor xiam kiab thiaj txiav txim siab khiav tawm mus nyob lwm teb chaws kom tsis txhob pom thiab hnov tej txheej xwm no.

Hais txog hmoob lub neej nyob yaj ces teb tsim mcej (teb chaws los tsuas) txij li xyoo 1806 mus txog xyoo 1975 xam muaj hnub nyug 169 xyoos txwm nkaus rau xyoo 1975. peb haiv neeg hmoob lub neej thoj nam yaj ces tuam meem teb (tuam tshoj) nkag los nyob rau teb chaws los tsuas tau 169 xyoos, peb tau txais kev zoo muaj hwj chim thiab tau txais kev ploj tuag ntau tsav,ntau yam los raug rau peb haiv neeg hmoob, tej txheej xwm no tsis yog tim peb haiv hmoob, nws yog tim nom tswv nplog tsis txawj tswj teb kav chaw xwb thiaj ua rau peb haiv hmoob tau txais kev txom nyem vim li no.

Tus hais thiab sau yog :

Major. Tougeu leepalao



Major Tougeu leepalao lub neej.

= kuv yug lub: 7/20/30 nyob lub zos phwy lwj, Toj xeem nas vas, moos hmoob xeev kham (xiengkhouang Laos)
= kuv kawm ntawv los tsuas tiav nqe: P. 3 xeem tau daim: Certificate xyoo 1950 nyob Phonesavan(laos)
= xyoo 1953 kuv kawm kev cai ua tub rog hav zoov (special guerrilla unit parachute) nyob nyab laj qab teb lub nroog Capsaint Jacque province in SAIGON south Vietnam) tau 8 lub hlis mam li kawm tiav.
= xyoo 1960 kuv kawm ntawv fab kis tiav nqe: P. 6. thiab xeem tau daim. Certificate. P. 6. nyob xeevkham (xiengkhouang Laos.).
= xyoo 1961 kuv tau txais lub hwj chim tub rog pawg pua (soulieutenant) yog huab tais nplog muab.
= xyoo 1962 kuv mus kawm kev cai ua thawj tswj tub rog pawg pua nyob pham qhom tau 6 hli, kuv tau txais lub hwj chim thawj tswj lub rog yog : (Lieutenant).
= xyoo 1963 kuv mus ua thawj tswj tub rog pawg txhiab nyob: Banna.zon : 2. A. SL. 15 .specialGuerrilla unit and A.D.C.
= xyoo 1965 kuv mus kawm kev cai nyob office staff thiab kev cai tswj hwm tub rog pawg txhiab nyob looj ceeb tiav nrog daim : Certificate. Thiab tau txais lub hwj chim: Captaine (xab khais tob).
= xyoo 1966 kuv ua thawj tswj tub rog pawg txhiab nyob lub nroog moos xuab xeev xas niam. Zon. 12. B.L.S. 184. lub roob tuam phwy lis.
= xyoo 1967 General Vang Pao hu kom kuv ua xib hwb qhia tsoom tub rog: S.G.U. and B.O.C..nyob rau lub yeej moos cuab (camptraining center moung Decha. SL. 113. (xieng khouang LAOS).

=xyoo 1969 kuv tau txais lub hwj chim : Commandant (Major) ntawm huab tais los tsuas thiab ua xib hwb qhia: S.G.U... B.O.C...MTT. nyob lub yeej looj ceeb camptraining center longcheng .
=xyoo 1970- 74. kuv ua lwm tswj qhia tub rog nyob rau lub yeej looj ceeb.(I was a vice Director camptraining center long cheng. Xiengkhouang Laos).
=xyoo 1976 kuv tau coj poj niam tub se khlav tawm lub teb chaws los tsuas mus rau lub yeej thoj nam noom qhais thaib teb vim nyob tsis taus los tsuas teb lawm.
= xyoo 1978 kuv tau ua neeg thoj nam mus rau fab kis teb (French) nyob lub zos lav nyis. (Lagny Paris)
= xyoo 1982 kuv tau thoj nam mus nyob lub zos Kas kos xeev kis yas nas. (Guyane francaise- French Guiana
=xyoo : 9/9/89 kuv tau thoj nam mus rau America.usa mus nyob lub zos . Saint Paul, Minnesota.
= xyoo: 4/23/ 1991 kuv tau txais daim npav ntsuab nyob America teb lawm. (greencard)
= xyoo 1993 kuv tau txais lus pom zoo los ntawm 18 xeem hmoob nyob Minnesta kom kuv ua tus xib hwb tshawb sawb qhia hmoob kab lis kev cai, kev cai lij choj xws li: mooj kav, moj coj,moj yam, moj yeeg qauv lw mooj keeb eag ko khaws cia ua hmoob puav pheej.
= xyoo : 4/ 30 / 1998 kuv mus xeem tau daim ntawv txia ua neeg American lawm.

Commandant. Tougeu leepalao